

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON / KANTON SREDIŠNJA BOSNA
KANTONALNO TUŽILAŠTVO / TUŽITELJSTVO TRAVNIK
Broj: T06 0 KTKV 0029881 24
Travnik, 21.02.2024.godine

OPĆINSKOM SUDU U BUGOJNU

Na temelju odredbe člana 45 stav 2 tačka i) i člana 241. stav 1. Zakona o krivičnom postupku Federacije Bosne i Hercegovine, podižem

OPTUŽNICU

Protiv:

Jasminka Mahmutbegović rođena 1957. godine.

Što je:

Dana 25.01.2018.godine, u notarskoj kancelariji u ulici *** 11 u Bugojnu, općina Bugojno, kao službena osoba u svojstvu notara imenovanog na području općine Bugojno- po Rješenju imenovanja notara od 20. septembra 2008.godine, u skladu sa odredbom člana 72. Zakona o notarima, kao povjerenik Općinskog suda u Bugojnu koja je po Rješenju Općinskog suda u Bugojnu broj 46 0 O 05582115 O od 05.03.2015 godine postavljena kao povjerilac Suda i ovlaštena osoba za vođenje ostavinskog postupka iza umrlog D. Z., te protivno odredbi člana 237. stav 2. Zakona o nasljeđivanju F BiH kojom je propisano za osobu koja nije dala izjavu o odricanju od naslijeđa smatra se da želi biti nasljednikom. i člana 257. stav 1. koji propisuje da notari kao sudski povjerenici provode radnje i donose odluke u ostavinskom postupku u skladu sa odlukom suda o povjeravanju i odredbama Zakona o nasljeđivanju F BiH u provođenju ostavinskog postupka iza umrlog D. Z. nije obavila svoje službene dužnosti i teže povrijedila pravo zakonskog nasljednika D. A. sina iza umrlog D. Z., svjesna i htijući to, na način da je provela ostavinski postupak u spisu broj UPP 10/2015 a po sudskom spisu broj 46 0 O 055821 15 O, na ostavinskoj raspravi koju je održala dana 25.01.2018 godine, iako je znala da se isti nije odzvao pozivu za ostavinsku raspravu koji nije lično primio niti je bio prisutan na raspravi, a zatim u daljim radnjama je proglasila pismeni testament sačinjen kod notara M. J. pod brojem OPU-IP-314/13 od 26.04.2013 godine nakon čega je svjesno i htijući na zapisnik broj 460 O 055821 15 O UPP-10/2015 od 25.01.2018 godine i Rješenje o nasljeđivanju broj 460 O 055821 15 O UPP-10/2015 od 25.01.2018 godine unijela neistinite podatke i to nasljedničku izjavu nasljednika D. A. da isti priznaje testament ostavitelja kao pravno valjan i izjavljuje da se prihvata nasljedstva koje nije testamentom obuhvaćeno u pogledu nekretnina, a u pogledu pokretnih stvari da se prima svog nasljednog dijela i isti ustupa u korist brat D. F., te da se sa drugim nasljednicima odriče prigovora na predmetno Rješenje na koje Rješenje je stavila klauzulu pravomoćnosti sa danom 25.01.2018 godine i dostavila nadležnim službama na provođenje, na koji način je teže povrijedila pravo D. A. da isti da svoju nasljedničku izjavu kao i da se izjasni u pogledu punovažnosti testamenta i da naslijedi novčani iznos po računima kod tad Hypo Alpe Adria Bank dd Mostar, u iznosu od 8.824,88eura i 69.037,50KM, koja novčana sredstva su ostala na računima iza umrlog D. Z., da bi novčana sredstva u iznosu od 69.037,50 KM raspoređena po testamentu iza D. Z. bila preusmjerena po predmetnom Rješenju o nasljeđivanju od strane Hypo Alpe Adria Bank na račune Narodnoj kuhinji *** u iznos od 34.518,75 KM i Islamskoj zajednici Medžlis *** u

iznosu od 34.518,75 KM na koji način je teže povrijedila pravo D. A. da ostvari pravo na svoj nasljedni dio, te je istom nastala šteta u visini njegovog zakonskog nasljednog dijela od 10.790,30 KM.

Dakle, kao službena osoba nije obavila svoje službene dužnosti i teže povrijedila pravo drugog, te kao službena osoba u Federaciji u spis je unijela neistinite podatke koje je svojim potpisom i službenim pečatom ovjerila.

Čime je počinila krivično djelo „Zloupotreba položaja ili ovlaštenja“ iz člana 383. stav 1. KZ F BiH u sticaju sa krivičnim djelom „Krivotvorenje službene isprave“ iz člana 389. stav 1. KZ F BiH, a sve u vezi sa članom 54. istog Zakona.

Na osnovu člana 71. stav 1. tačka c) KZ FBIH a u vezi sa članom 76 stav 1 KZ FBIH predlažem da se osumnjičenoj, kao notar, izrekne sigurnosna mjera zabrane obavljanja poziva i djelatnosti.

KANTONALNA TUŽITELJICA